



Publicaziuns dalla vischnaunca, jamna 5

Damonda da baghegiar

Nr. 2010-1003

Publicaziun: ils 5 da fevrer 2010

Il patrun: Sennaria Surselva SA, Via Lucmagn 33, 7180 Disentis/Mustér

Il representant: Gion A. Caminada, Arch. BSA/SIA, 7149 Vrin

Object: Cascharia nova, parcella nr. 2883, Via Lucmagn, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. Las protestas ston esser motivadas e suttascretas dil recurrent ni da siu representant.

Disentis/Mustér, ils 2-2-2010

Uffeci da baghegiar Disentis/Mustér

Taglia da tgauns 2010

Naven d'immediat **entochen la fin fevrer 2010** san las marcas da tgauns vegnir retratgas tier l'administraziun communal.

La taglia da tgauns munta pigl emprem tgaun frs. 120.–, per mintg'ulteriur tgaun ella casada frs. 180.– per onn.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Tgauns da pasturs ni tals ch'ei en survetsch dil puresser ein buca deliberai dalla taxa.

Plinavon vegn supplicau da comunicar all'administraziun communal midadas, q.v.d. tals che han retratg 2009 ina marca da tgauns ed han **buca pli il tgaun, ni novs possessurs da tgauns.**

Tut ils tgauns che vivan en Svizra ston vegnir marcai e registrai ella datoteca dalla ANIS (mira adressa sutmenziunada).

Tgauns giuvens ston enteifer ils emprems treis meins da veta vegnir marcai cun in microchip e registrai ella datoteca. Plinavon ein ils possessurs da tgauns obligai da comunicar all'ANIS midadas d'adressa, da possessur e la mort digl animal. Il cuosts per la registraziun sco era per las midadas obligatorias ein da pagar entras il possessur dil tgaun.

Possessurs da tgauns ch'ei aunc buca vegni suenter a quell'obligaziun da registraziun, supplichein nus **da prender suenter quei immediat cun schar registrar lur tgaun tier l'ANIS entras in veterinari.**

Per saver retrer la marca sto il mussament dalla registraziun vegnir presentaus.

ANIS Animal Identity Service AG

Morgenstrasse 123, CH-3018 Bern

Tel. 031 371 35 30

info@anis.ch / www.anis.ch

Administraziun communal Disentis/Mustér



**Pass 2010 (pass biometric):
Informaziuns**

Naven digl 1. da mars 2010 vegn mo pli il niev pass 2010 tschentaus ora. Tgi che vul aunc empustar in pass 2003 (senza datas biometricas) ni il pass 2006 ei supplicaus da far quei avon ils 15 da fevrer 2010. **Naven dils 15 da fevrer 2010 entochen igl 1. da mars 2010 vegnan negins pass produci!**

El cantun Grischun vegn ei el futur prevedentamein a dar quater centers per tschaffar las datas biometricas per ils novs pass. All'entschatta ei previu in center a Cuera ed in ell'Engiadina.

Dapli informaziuns anfleis Vus sin la pagina d'internet **www.schweizerpass.ch**. Secapescha stat era il personal dall'administraziun communal a bugen a disposiziun per ulteriur sclariment.

Administraziun communal Disentis/Mustér

Purschida gratuita

La vischnaunca da Mustér porscha a ses habitonts la pusseviltad da visitar gratuitamein la **Casa da traffic a Lucerna** (www.verkehrshaus.ch). Al spurtegl dall'administraziun communal sa per **mintga di** digl onn vegnir retratg **5 entradas gratuitas**.

En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni;
- teater da film IMAX per in prezi special (frs. 4.– reducziun);
- 10% rabat sin artechels ella stizun dil museum.

Co fuss ei da far inagada in'excursiun a Lucerna, forsa gest cun nezegiar la carta dil di per viagià cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.

Suprastonza communal Disentis/Mustér

**Corporaziun d'aua Spina da vin:
Preavis**

La **radunonza generala** dalla Corporaziun d'aua Spina da vin ha liug **venderdis, ils 26 da mars 2010 allas 20.15, Center d'Agricultura Sursilvan a Salaplauna**.

- Tractandas statutaricas

Per la Corporaziun d'aua Spina da vin, Disentis/Mustér
Vossa suprastonza



**Clom d'urgenza 118
Agid dils pumpiers da tuttas uras!**

Preziadas vischinas, prezai vischins

Las vischnauncas da Medel, Tujetsch e Mustér possedan uss mo pli in corp da pumpiers. Ell'organisaziun munta quei ina gronda midada per las vischnauncas, mo cunzun per las personas che prestan survetsch. Per Vus resta denton il clom d'urgenza 118 era egl avegnir.

Nus supplichein perquei Vus d'alarmar ils pumpiers adina sur quella numera da telefon e buc empruar da contactar pumpiers sin via privata. Vus levgeis cheutras nossa lavur e scursanis il temps d'alarmaziun marcantamein.

Dapli informaziuns anfleis Vus sin nossa nova pagina d'internet sut www.pumpiers-sursassiala.ch.

Engraziel per Vies sustegn!
Vos pumpiers Sursassiala

Uniun da dunnas Mustér: Fiera da Nadal

La fierà da Nadal vegn organisada da niev dall'uniun da dunnas da Mustér.

Il datum dalla fierà ei fixaus sin sonda, ils 20 da november 2010 dallas 11.00–22.00.

Per annunziar ni damondas saveis contactar:
Candinas Fabiana, 081 947 42 88 / 079 373 61 58 ni per e-mail: fcandinas@gmx.ch.

Cun l'annunzia duessas era gest indicar cun tgei products che Vus quinteis vegnir alla fierà. Vegnir alla fierà sco expositur sa tut tgi che ha interess.

Sin stedia participaziun selegra
la suprastanza dall'uniun da dunnas e gidontras

**Uniun da dunnas:
radunonza generala**

Muort la viseta da Doris Leuthard ha la radunonza generala buca liug ils 5 da mars mobein **mardis, ils 2 da mars 2010**. Sperond sin Vossa capientscha e sin bien seveser.

*En num dalla suprastanza
la presidenta: Fabiana Candinas*

**Uniun da gimnastica UGM
Invitaziun alla radunonza generala**

Venderdis, ils 5 da fevrer 2010 allas 20.00 el hotel Sax.

Cordialmein envida
la suprastanza



Uniun samaritana Mustér

Nies emprems exercezi meinsil digl onn niev ha liug: **gliendisdis, ils 8 da fevrer 2010 allas 20.00 uras en casa da scola, Cons.**

Selegronnd sin ina stedia participaziun envida
la presidenta

Uniun samaritana Mustér

Cuors: Agid d'urgenza tier affons pigns (Notfälle bei Kleinkindern)

2 sondas suentermiezdi, ils 20 e 27 da fevrer 2010 mintgamai dallas 13.30–17.30 uras

Il cuors sedrezza a mummas e babs, tattas e tats ed a tut quels che han da far cun affons pigns.

Ulteriur sclariment ed annunzias entochen ils **10 da fevrer 2010** tier: Yvonne Flepp, tel. 081 947 50 35, e-mail: yvonne.flepp@kns.ch

Club da troccas Mustér

Sera da dar troccas per in e scadin

mardis, ils 9 da fevrer 2010 el hotel Furka a Mustér.

Quella sera ei publica per tut tgi che ha interess da dar troccas. Novizs ein era beinvegni.

Sentupada allas 19.30 uras.

Cordialmein envidan
Gion Michel Flepp, Romeo e Marco Schmed

Fuffernadi da curling

Has ti interess vid il sport da curling? Il club da curling CCD porscha la pusseivladad da prender d'enconuscher quei bi sport. Duront 2 uras sas ti experimentar schebein quei fuss era enzatgei per tei. Il cuors ha liug **mesjamna, ils 17 da fevrer 2010** allas 20.00 uras silla piazza da glatsch dil Center da sport e cultura Mustér. S'annunziar sut 081 947 50 35.

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca



Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vos nies entir catalog bibliotecar. Per e-mail saveis Vos reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
